



UNIVERSITÄTS-
BIBLIOTHEK
PADERBORN

**Scientia Salvts, Sive Considerationes Piæ, Præcipuam
Spiritualis Vitæ Materiam complectens**

Laberhittel, Samuel

Ingolstadii, 1660

222. feria 6. Quæ scientia cavenda, & quæ amanda.

[urn:nbn:de:hbz:466:1-59837](https://nbn-resolving.org/urn:nbn:de:hbz:466:1-59837)

400 *Feria 6. Domin. 7. post Pentecost.*
tibus utilia sunt, ea mihi ad perfectionem
properanti inutilia judicare. 3. Utilia bonâ
intentione scire, & ex majorum auctoritate
investigare, & debito modo, ac tempore mihi
parare. 4. Quæ non didici, non docere, ne in
errorem inducam, sed magis me interrogan-
tes ad doctiores remittere. 5. Omnes actio-
nes meas intellectûs consideratio præcedat,
hinc cognitum bonum faciam, malum fu-
giam. 6. Vitam, & mores aliorum non ju-
dicare, sed Deo ac Præsidibus judicanda, &
inspicienda relinquere. Optabo, & petam:
Da mihi hunc intellectum, &c.

MEDITATIO CCXXII.

Feria 6. Domin. 7. post Pentecosten.

*Quæ Scientia cavenda, & quæ
amanda.*

Constituam me coram **JESU** Magistro
discipulus, ille loquatur, ego attendam,
& quia simul Dominus est, flectam genua,
Deumque internè, & externè adorabo, & pe-
tam cavere, ne vel unicum doctrinæ salutis
verbum mihi pereat.

Conf. 1. Cavendam scientiam carnalem,
quæ est *superba*, & ambitiosa, quæ à principio
discendi ad primas sedes, cathedras, pulpita,
prælationes aspirat. Est *invida* laudis alienæ,
condiscipulorum ingenio, & profectibus
merens,

Feria 6. Domin. 7. post Pentecost. 401

mœrens, tarditate gaudens; laudi proVectio-
tum invidet, subtilitatem, & diligentiam
æqualium contemnit, minorum imperitiam
irridet, sola ab omnibus laudari studet. Est
curiosa nimis, nihil quærens, nisi, quæ intel-
lectus intemperantiæ satisfaciant, ostenta-
tioni ac plausui deserviant, non, quæ proxi-
morum saluti proficiant. Est *iniqua*; totam
mentem occupat, & desiderium, tempus o-
rationi, meditationi subducens. Est *arrogans*,
procax, inverecunda, seipsam exaggerans,
novitates conlectans; Magistros parvi pen-
dens, aut ut minus subtiles, aut nimis scru-
pulosos accusans. Est *libertatis amans*, obser-
vantia inimica, hostis virtutum, monitorum
senilium averfatrix, institutionum, ut ne sic
observans, est interpretatrix. Est *terrena, ani-
malis, diabolica*, venenum virtutum, pestis
coetuum Deo sacrorum, initium rixæ. mater
contentionis, origo superbiæ, fons hæresis,
patrona omnium vitiorum. Hujus ope dæ-
mon decipit ignorantes, persequitur bonos
fovet impios.

Conf. 2 Scientiam amandam, quæ ex ar-
mis præcipuis est, quibus imitatores Christi
utuntur ad pugnandum bella Domini, & est
scientia Sanctorum humilis, ac modesta, sui
contemptum, proximorum conversionem,
Dei laudem concupiscens; diligenter studet,
ut,

402 *Feria 6. Domin. 7. post Pentecost.*
ut, quæ suâ voluntate optat semper latere
sub modio, Dei voluntate apta sui poni super
candelabrum. Est *charitate plena*, profectu
condiscipulorum exultans, illos reputans,
laudans, amans, illorum supra se excellentiâ
exultans. Est *sapiens*, illa legendo, libris evol-
vendis inquirens, non quæ luceant tantum,
sed quæ profint, quæ deceant statum, & pro-
ximos juvent. Est *discreta*, & plena prudentiâ.
Post Obedientiam & orationis studium, se-
ipsam constituens, non prædatur tempus
obedientiæ, orationis, suo contenta. Est *in-
genua*, ac verecunda, non se extollens, non
alta de se sentiens, non terminos transgre-
diens à majoribus constitutos. Est *circum-
specta*, non libertatem, non privilegia, non
exemptiones affectans, sed semper attendens
primùm quidem pudica, deinde pacificâ,
modesta, suadibilis, bonis consentiens, plena
misericiordiâ, & fructibus bonis, non judi-
cans, sine simulatione.

MEDITATIO CCXXIII.

Sabbato Domin. 7. post Pentecost.

*B. Virgo perfecta sapientia San-
ctorum Magistra.*

Aspiciam B. Virginem remotissimam à
scientia carnali, & perfectissimam scien-
tiæ Sanctorum Magistram. Petam ejus esse
Discipulus. Conf.